

唐  
音  
統  
籤

戊籤七十九

唐音統籤卷

七百二十六

唐球

一作求

居蜀之味江山至性純慤放曠疎遠人

稱爲唐隱居王建嘗以叅謀召不就爲詩撚藁爲

圓納大瓢中臨沒投瓢于江曰斯文苟不沉沒得

者方知吾苦心爾至新渠有識者曰唐山人瓢也

接得之十纜一二今存詩一卷三十五篇

文獻通考集一

卷唐宋藝文二志無非夢瑣  
言云球詩思遊歷不出二百篇

邊將

三千護塞兒獨自滯邊陲老舍二毛見秋從一葉

知地寒鄉思苦天暮角聲悲却被交親笑封侯未

有期

馬嵬感事

冷氣生深殿，狼星渡遠關。  
九城鞞鼓裡，千騎道途間。  
鳳髻隨秋草，鑿輿入暮山。  
恨多留不得，悲淚滿龍顏。

山居偶作

趨名逐利身，終日走風塵。  
還到水邊宅，却爲山下人。  
僧教開竹戶，客許戴紗巾。  
且喜琴書在，蘇生未厭貧。

夜上隱居寺

尋師擬學空空住虎磎東千里照山月一枝驚鶴  
風年如流水去山似轉來逢盡日都無事安禪石  
窟中

山東蘭若遇靜公夜歸

松門一徑微苔滑往來稀半夜聞鐘後渾身帶雪  
歸問寒僧接杖辨語大衝衣又是安禪去呼童閉  
竹扉

古寺

路傍古時寺寥落藏金容破塔有寒草壞樓無曉  
鐘亂紙失經偈斷碑分篆踪日暮月光叶曉門千

樹松

題鄭處士隱居

不信最清曠及來愁已空  
數巖石泉雨一溪霜葉  
風兼在有山處道成無事  
中酌盡一樽酒病老一作  
夫顏亦紅

題陽山人隱居

深山遠著家門戶  
帶烟霞綠緜沿巖草紅飄落水  
花半庭栽小樹一逕掃平沙  
往往溪邊坐持竿到日斜

曉發

旅館候天曙整車趨遠程幾處曉鐘斷半橋殘月  
明沙上一作鳥猶在一作渡頭人未行一作去去  
古時道馬嘶三兩聲

客行

上山下山去千里萬里愁樹色野橋暝雨聲孤館  
秋南北眼前道東西江畔舟世人重金玉無金徒  
遠游

塗次偶作

歲月客中銷崎嶇力自招問人尋野寺牽馬渡危  
橋爲雨疑天晚因山覺路遙前程何處是一望又

迢迢

舟行夜泊夔州

維舟鏡面中，迥對白鹽峰。  
夜靜沙堤月，天寒水寺鐘。  
故園何日到，舊友幾時逢。  
欲作還家夢，青山一萬重。

贈行如上人

不知名利苦，念佛老岷峨。  
衲補雲千片，香燒印一作一  
窠。  
總山人事少，憐客道心多。  
日日齋鐘後，高懸濾水羅。

贈著上人

掩門江上任盡日更無爲古木坐禪處殘星鳴磬  
時水澆冰滴滴珠數落纍纍自有閒行伴青藤杖  
一枝

贈道者

披霞帶鹿胎歲月不能催飯把琪花煮衣將藕葉  
裁鶴從歸日養松是小時栽徃徃樵夫見溪邊洗  
藥來

酬友生早秋

彤雲將欲罷蟬柳響如秋霧散九霄近日程三伏  
愁殘陽宿雨霽高浪碎沙漚祛足餘旬後分襟任



自由

和舒上人山居卽事

敗葉填溪路  
殘陽過野亭  
仍彈一滴水  
更讀兩張經  
暝鳥烟中見  
寒鐘竹裏聽  
不多山下去  
人世盡羶羶

友人見詩不值因寄

門戶寒江近  
籬墻野樹深  
晚風搖竹影  
斜日轉山陰  
砌覺披秋草  
牀驚倒古琴  
更聞隣舍說  
一隻鶴來尋

邗州寄友人

茫茫驪一馬自歎又何之  
出郭見山處待船逢雨  
時曉雞鳴野店寒葉墮  
秋枝寂寞前程去閒吟欲  
共誰

秋寄 江舒公

故人何處望秋色滿江濱  
入水溪蟲亂過橋山路  
分鶴歸松上月僧入竹間雲  
莫惜中宵磬從教夢裏聞

邛州水亭夜讌送顧非熊之官

寂寞邛城夜寒塘對庾樓  
蜀關蟬已噪秦樹葉應  
秋道路連天遠笙歌到曉愁  
不堪分袂後殘月正

如鈞

送友人歸邛州

鶴鳴山下去滿篋荷瑤琨放馬荒田草看碑古寺

門漸寒沙上雨

一作鶯

欲暝

一作暖

水邊村莫忘分襟

處梅花撲酒樽

送友人江行之廬山肄業

蜀國初開棹廬峯擬拾榮

一作螢

獸皮裁褥暖蓮葉

製衣馨楚水秋來碧巫山雨後青莫教嘶鳳詔三

度到中庭

題李少府別業

尋得仙家不姓梅，馬嘶人語出塵埃。竹和亭上春  
烟動，花帶溪頭曉露開。繞岸白雲終日在，傍松黃  
鶴有時來。何年亦作園基伴，一到松間醉一迴。

題友人寓居

寓居無不在天涯，莫恨秦關道路賒。綠繞城邊山  
是蜀，灣環門外水名巴。黃頭卷席寶初散，白鼻嘶  
風日欲斜。何處一聲金磬發，古松南伴有僧家。

題青城山范賢觀

數里緣山不厭難，爲尋真訣問黃冠。苔鋪翠點仙  
橋滑，松織香梢古道寒。書傍綠畦嬌嫩玉，夜開紅

月三系五  
竈燃新丹鐘聲已斷泉聲在風動茅

一作

花月滿

壇

贈王山人

紅藤一柱脚常輕日日緣溪入谷行山下有家身  
未老竈前無火藥初成經秋少見閒人說帶雨多  
聞野鶴鳴知到蓬萊難再訪問何方法得長生

贈楚公

曾聞半偈雪山中貝葉翻時理盡通般若恒添持  
戒力落義誰算念經功雲間曉月應難老海上虛  
舟自信風長說滿庭花色好一枝紅是一枝空

送僧講罷歸山

休將如意辯真空，吹盡天花任曉風。  
共看玉蟾三皎潔，獨懸金錫一玲瓏。  
巖間松桂秋烟白，江上樓臺晚日紅。  
依舊曹溪念經處，野泉聲在草堂東。

傷張九秀才

銅梁劍閣幾區區，十上探珠不見珠。  
卞玉影沉沙草闌，驛驢聲斷隴城孤。  
入關詞客秋懷友，出戶孀妻曉望夫。  
吳水楚山千萬里，旅魂歸到故鄉無。

巫山下作

細腰宮盡舊時權，神女歸山更不來。  
唯有楚江斜

日裏至今猶自繞陽臺

題常樂寺

桂冷香聞十里間  
殿臺渾不似人寰  
日斜迴首江頭望  
一片青一作開雲落後山

酬舒公見寄

無客不言雲外見  
爲文長遣世間知  
一聲松徑寒吟後  
正是前山雪下時

送劉鍊師歸山

風急雲輕鶴背寒  
洞天誰道却歸難  
千山萬水瀛洲路  
何處烟飛是醮壇

庭竹

月籠翠葉秋承露風亞繁梢  
曉掃烟知道雪霜終  
不變永留寒色在庭前

句

恰似有龍深處卧  
被人驚起黑雲生

臨池洗硯  
見紀事



戊籤八十

唐音統籤卷十七

李咸用唐末人與來鵬范摠同時工詩不第嘗應

辟爲推官有披沙集六卷今爲四卷集不載藝文志有八世孫

台州守名譽者居象陵出家藏本請楊廷秀序而

行之始顯序略曰推官公詩如見後却無語別

來長獨愁如危城三面水古樹一邊春如春雨有

五色灑來花旋成如未醉已知醒後憶欲開先爲

落時愁讀之使人發融冶之歡於荒寒無聊之中

動慘戚之感於笑談方憚之後國風遺音就謂其

絕

五言古詩

放歌行

蕭蕭暮草蟲蟲遊遊避葵藿悠悠狷者心寂寂厭清

世如何不食其命含苦其味如何不趨時分合辱  
其體至哉先哲言於物不凝

猛虎行

猛虎不怯龍烈士無虛言怯敵辱其斑虛言負其  
恩爪牙欺白刃果敢無前陣須知易水歌至死無  
悔吝

隴頭吟

行人何徬徨隴頭水嗚咽寒沙戰鬼愁白骨風霜  
切薄日矇眊秋怨氣陰雲結殺成邊將名名著生  
靈滅

携手曲

携手春復春未嘗漸離別天天風前花緜緜日中  
雪不敢怨於天唯驚添歲月不敢怨於君祇怕芳  
菲歇芳菲若長然君恩應不絕

空城雀

啾啾空城雀一啄數跳躍寧尋覆轍餘豈比巢危  
幕茫茫九萬鵬百雉且爲樂

關山月

離離天際雲皎皎關山月羌笛一聲來自盡征人  
髮嘹唳孤鴻高蕭索悲風發雪壓塞塵清鵬落沙

場闊何常胡無人荷戈朝鳳闕

寓意

直道荆棘生斜徑紅塵起蒼蒼杳無言麒麟廻瑞  
趾東風如未來飛雪終不已不知姜子牙何處釣  
流水

劍喻

黯黯秋水寒至剛非可缺風胡不出來攝履人相  
蔑縱挺倚天形誰是躬提挈願將百鍊身助我王  
臣節

古意論交

擇友如淘金沙盡不得寶結交如乾銀產竭不成  
道我生四十年相識苦草草多爲勢利朋少有歲  
寒操通財能幾何聞義寧相告茫然同夜行中路  
自不保常恐管鮑情參差忽終老今來旣見君青  
天無片雲語直琴絃急行高山桂芬約我爲交友  
不覺心薰薰見義必許死臨危當指囷無令後世  
士重廣孝標文

覽友生古風

伯牙鳴玉琴幽音隨指發不是鐘期聽俗耳安能  
別高山閒窺峩流水空嗚咽一卷冰雪言清冷冷

心骨分明古雅聲  
諷諭成書切劘敲  
老松根晃朗  
驪龍窟荆璞且深藏  
璠石方如雪  
金多醜女研木  
朽良工拙  
姦宄欺雷霆  
魑魅搏日月  
蝶迷桃李香  
鮒罔江湖潤不寐  
孤燈前舒卷忘饑渴

石版

高人好自然  
移得它山碧  
不磨如版平  
大巧非因  
力古蘚小青  
錢塵中看野色  
冷倚砌花春  
靜伴疎  
篁直  
山僧苦轉頭  
如逢舊相識

題友生叢竹

菊華寒露濃  
蘭愁曉霜重  
指佞不長生  
蒲筵今無

種安如植叢篁他年待栖鳳大則化龍騎小可釣  
璜用留煙伴獨醒迴陰冷閒夢何妨積雪凌但爲  
清風動乃知子猷心不與常人共

七言古詩

巫山高

通蜀連秦山十二中有妖靈會人意關艷傳情世  
不知楚王魂夢春風裏雨態雲容多似是色荒見  
物皆成媚露泣煙愁巖上花至今猶滴相思淚西  
眉南臉人中美或者皆聞無所利忍聽憑虛巧佞  
言不求萬壽翻求歿

公無渡河

有叟有叟何清狂行搔短髮提壺漿  
亂流直涉神洋洋妻止不聽追沉湘  
偕老不借死筮篋遺淒涼  
剝松輕穩琅玕長連呼急榜庸何妨  
見溺不接能語狼忍聽麗玉傳悲傷

短歌行

一樽綠酒綠於染拍手高歌天地險  
上得青雲下不難下在黃埃上須漸  
少年歡樂須及時莫學懦夫長泣岐  
白日欲沉猶未沉片月已來天半垂  
坎鼓鏗鐘殺愁賊滿眼是非佯不識  
長短高卑不可



冰莫歎人生頭雪色

長歌行

要衣須破束欲炙須解牛當年不快意徒爲他人  
留百歲之約何悠悠華髮星星稀滿頭蛾眉螭首  
聊我仇圓紅濶白令人愁何不夕引清奏朝登翠  
樓逢花便折聞勝卽遊鼓臄騰棍晴雷收舞腰因  
裏垂楊柔象筋擊折歌勿休玉山未倒弄風流眼  
前有物俱是夢莫將身作黃金譬死生同域不用  
懼富貴在天何足憂

西門行

勞禽不擇枝，饑虎不畏檻。君子當圖窮，無爲仲由  
監。爾膏空奉彼，擊劍水縱長。瀾火飛焰漢，高偶試  
神蛇。驗武王龜筮，驚人險四龍。或躍猶依泉，小狐  
勿恃衝波膽。

塘上行

橫塘日澹秋雲隔，浪織輕颺羅幕幕。紅綃撇水蕩  
舟人，畫橈摻摻柔荑白。鯉魚虛擲無消息，花老蓮  
疎愁未摘。却把金釵打綠荷，懊惱露珠穿不得。

昇天行

堂堂削玉青蠅喧，寒鷗啄鼠愁飛鸞。梳玄洗白淺

巡間蘭言花笑俄衰殘盤金束紫身屬官強仁小  
德終無端不如服取長流丹潛神却入黃庭閒志  
定功成飛九關逍遙長揖辭人寰空中龍駕時迴  
旋左雲右鶴翔聯雙童樹節當風翻常娥倚桂  
開朱顏河邊牛子星郎牽三清宮殿浮晴煙玉皇  
據案方凝然仙官立仗森幢幡引余再拜歸仙班  
清聲妙色視聽安食和飲順中腸寬虛無之樂不  
可言

煌煌京洛行

長安近甸巡遊遍洛陽尋有黃龍見千乘萬騎如

雷轉差差清蹕祥烟卷百司舊分當玉殿太平官  
屬無遺彥歌鐘沸激香塵散晨旗隱隱羅軒冕周  
公舊跡生紅蘚瀝澗波光春照晚但聽嵩山萬歲  
聲將軍旗鼓何時偃

春宮詞

風和氣淑宮殿春感陽體解思君恩眼光滴滴心  
振振重瞳不轉憂生民女當徯妾男當臣男力百  
歲在女色片時新用不用惟一人敢徼天寵私微  
身六宮萬國教誰寶

雞鳴曲

海樹相扶鳥影翹戴紅拍翠聲膠膠鴛瓦凍危金  
距趨誇雄鬪氣爭相高漏殘雨急風蕭蕭患亂忠  
臣欺寶刀霜濃月薄星昭昭太平才子能歌謹山  
翁夢斷出衡茅谷口霧中饑虎號離人枕上心切  
切

江南曲

江南四月薰風低江南女兒芳步齊晚雲接水共  
渺瀰遠沙疊草空萋萋白苧不堪論古意數花猶  
可醉前溪孤舟有客歸未得鄉夢欲成山鳥啼

富貴曲

畫藻雕山金碧彩鴛鴦疊翠眠晴靄編珠影裏醉  
春庭團紅片下攢歌黛革咽絲煩歡不改繳絳垂  
緹忽如晦活花起舞夜春來蠟焰煌煌天日在雪  
暖瑤杯鳳髓融紅拖象筋猩唇細空中漢轉星移  
葢火城擁出隨朝會車如雷兮馬如龍鬼神辟易  
不敢害冠峩劍重鑄環珮步入天門相眞宰開口  
長爲爵祿筌迴眸便是公卿罪珠珍索得龍宮貧  
膏腴刮下蒼生背九野干戈指着心威福滿拳猶  
未快我聞周公貴爲天子弟富有半四海茂有驕  
奢胎後悔紅錦障收珊瑚樹碎至今笑石崇王愷

水仙操

大沙相拍流水鳴蓬山鳥獸多奇形琴心不喜亦  
不驚安絃緩爪何泠泠水仙繚繚來相迎伯牙從  
此留嘉名嶧陽散木虛且輕重華斧下知其聲歷  
絲相糺成婁清調和引得薰風生指底先王長養  
情曲終天下稱太平後人好事傳其曲有時聲足  
意不足始裴裴兮復洋洋但見山青兼水綠成連  
入海移人情豈是本來無嗜慾琴兮琴兮在自然  
不在徽金將軫玉

獨鶴吟

碧玉喙長丹頂圓，亭亭危立風松間。  
啄萍吞鱗意已闌，舉頭咫尺輕重天。  
黑翎白本排雲烟，離群脫侶孤如仙。  
披霜唳月驚嬋娟，逍遙忘却還青田。  
鳶寒鴉晚空相喧，時時側耳清冷泉。

輕薄怨

花驄蹀躞遊龍驕，連連寶節揮長鞘。  
鳳雛麟子皆至交，春風相逐番楊橋。  
捻笙軟玉開素苞，齋樓閃閃紅裙搖。  
碧蹄僮蹇連金鑣，狂情十里飛相燒。  
西母青禽輕飄飄，分環破壁來徃勞。  
黃金千鎰新一宵，少年心事風中毛。  
明朝何處逢嬌饒，門前桃樹



空天天

大雪歌

同雲慘慘如大怒  
寒龍振鬣飛乾雨  
玉圍花飄朶  
不勻銀河風急驚  
砂度謝客憑軒吟  
未住望中頓  
失縱橫路應是義  
和倦曉昏暫反元  
元歸太素歸  
太素不知歸得人心否

石版歌

雲根勞裂雷斧痕  
龍泉切撲青皮皴  
直方挺質貞  
且真當庭卓立疑  
頑神春雨流膏成  
立文主人性  
靜看長新明月夜  
來迴短影何如照  
冷太湖濱

小松歌

幽人不喜凡草生，秋鋤斲得寒青青。庭間土瘦根  
脚瘳，風搖雨拂精神醒。短影月斜不滿尺，清聲細  
入鳴蛩夕。天人戲剪蒼龍髯，參差簇在瑤堦側。金  
精水鬼欺不得，長與東皇逞顏色。勁節誓因君子  
移貞心，不爲麻中直。

緋桃花歌

上帝春官思麗絕，夫桃變態求新悅。便是花中傾  
國客，牡丹露泣長門月。野樹滴殘龍戰血，曦車最  
下朝霞屑。惆悵東風未解狂，爭教此物芳菲歇。

春雨

大帝間吹破凍風青雲融液流長空天人醉引玄  
酒注傾香旋入花根土濕塵輕舞唐唐春神娥無  
跡莓苔新老農私與牧童論紛紛便是倉箱本

寄修睦上人

衣服田方無內容一入廬雲斷消息應爲山中勝  
概偏惠持惠遠多蹤跡尋陽有箇虛舟子相憶由  
來一無事江邊月色到巖前此際心情必相似似  
不似寄數字

讀修睦上人歌篇

李白亡李賀死陳陶趙睦尋相次須知代不乏騷  
人貫休之後唯修睦而已矣睦公睦公真可畏開  
口向人無所忌才似煙霞生則媚直如屈軼佞則  
指意下紛紛造化機筆頭滴滴文章髓明月清風  
三十年被君驅使如奴婢勸君休莫容易世俗由  
來稀則貴珊瑚高架五色毫小小不須煩藻思

臨川逢陳百年

麻姑山下逢真士玄膚碧眼方瞳子自言混沌鑿  
不死大笑老彭非久視強爭龍虎是狂人不保元  
和虛叩齒桃花雨過春光膩勸我一杯靈液味教

我無爲禮樂拘利路名韜多忌諱不如含德反嬰  
兒金玉滿堂真可貴

送人

少俾開宮行帝業無外金風剪紅葉鴈別邊沙入  
暖雲蛩辭敗草鳴香閣有客爲儒二十霜酣歌郢  
雪時飄揚不甘長在諸生下束書携劍離家鄉利  
爪韞上鷹雄文霧中豹可堪長與烏鳶噪是宜靡  
碧漢以遐飛出南山而遠蹈况今大朝公道天子  
文明團團月樹懸青青燕中有馬如龍行不換黃  
金無駿名荆山有玉猶在璞未遇良工虛擲鵠一

壺清酒酌離情休向蒿中隨雀躍

謝僧寄茶

空門少年初志堅摘芳爲藥除睡眠匡山茗樹朝  
陽偏暖萌如瓜拏飛鷲枝枝管露凝滴圓參差失  
向兜羅綿傾筐短甌蒸新餅白紵眼細勻於研甌  
排古初春苔乾殷勤寄我清明前金槽無聲飛碧  
煙赤獸呵水急鐵噴林風夕和真珠泉半匙青粉  
攪潺湲綠雲輕縮湘娥鬟嘗來縱使重支枕胡蝶  
寂寥空掩關

遠公亭牡丹

鴈門禪客吟春亭牡丹獨暎花中英變成膩臉  
雲屏百般姿態因風生延年不敢歌傾城朝雲暮  
雨愁娉婷榮繁蟻脚粘不行蝶迷蜂醉飛無聲  
廬山根脚含精靈發妍吐秀叢君庭溢江太守多閒  
情欄朱繞絳留輕盈潏潏綠醴當風傾平頭奴子  
啾銀笙紅蕊艷艷交童星左文右武憐君榮白銅  
堤上懸清吹

卷終

戊籤八十李咸用之二

唐音統籤卷

七百二十八

五言律詩

昭君怨

古帝修文德蠻夷莫敢侵不知桃李貌能轉虎狼  
心日暮邊風急程遙積雪深千秋青塚骨留怨在  
胡琴

遣興

風細酒初醒憑欄別有情蹉稀秋樹瘦雨盡晚雲  
輕旅鬢一絲出鄉心寸火生子牟魂欲斷何日是  
昇平



山居

草堂書一架苔徑竹千竿難世投誰是清貧且自  
安隣居皆學稼客至亦無官焦尾何人聽涼宵對  
月彈

自愧

多負懸弧禮危時隱薜蘿有心明俎豆無力執干  
戈壯士難移節貞松不改柯纓塵徒自滿欲濯待  
清波

論交

行虧何必富節在不妨貧易得笑言友難逢終始

人松篁貞管鮑桃李艷張陳少見歲寒後免爲霜  
雪塵

春日

浩蕩東風裏徘徊無所親危城三面水古樹一邊  
春衰世難修道花時不稱貧滔滔天下者何處問  
通津

送春

四時爲第一十歲一重來好景應難勝餘花虛自  
開相思九箇月得信數枝梅不向東門送還成負  
酒杯

春晴

簷滴春膏絕憑欄晚吹生良朋在何處高樹忽流  
鶯遊寺期應定尋芳步已輕新詩吟未了遲日又  
西傾

春風

青帝使和氣吹噓萬國中發生寧有異先後自難  
同葦草不銷力巖花應費功年年三十騎飄入玉  
蟾宮

秋興

木葉亂飛盡故人猶未還心雖遊紫闕時合在青

山近寺僧隣靜臨池鶴對聞  
兵戈如未息各位莫  
相關

秋夕

寥廓秋雲薄空庭月影微  
樹寒棲鳥密砌冷夜蛩  
稀曉鼓軍容肅疎鐘客夢歸  
吟餘何所憶聖王尚  
宵衣

秋晚

斜陽山雨外秋色思無窮  
柳葉飄乾翠楓枝撼碎  
紅鬢毛看似雪生計尚如蓬  
不及樵童樂蒹葭一  
笛風

待日

簷靜燕鵲語窗虛蟾影過時情因客老歸夢入秋  
多蔽日群山霧滔天四海波吾皇思壯士誰應大  
風歌

曉望

露驚松上鶴曉色動扶桑碧浪催人老紅輪照物  
忙世情隨日變利路與天長好駕航船去陶陶入  
醉鄉

夜吟

白兔輪當午儒家業敢慵竹軒吟未已錦帳夢

重落筆思成虎懸梭待化龍景清神自爽風遞遠  
樓鐘

登樓值雨二首

共訝高樓望匡廬色已空白雲橫野濶遮岳與天  
同數點雨入酒滿襟香在風遠江吟得出方下郡  
齋東

江徼多佳景秋吟興未窮送來松檻雨半是蓼花  
風浪猛驚翹鷺煙昏叫斷鴻不知今夜客幾處卧  
鳴蓬

早秋遊山寺

閑卧雲巖穩攀緣笑戲狻靜於諸境靜高却衆山  
高至理無言了浮生一夢勞清風朝復暮四海自  
波濤

遊寺

無家身自在時得到蓮宮秋覺暑衣薄老知塵世  
空幽情憐水石野性任萍蓬是處堪間坐與僧行  
止同

宿隱者居

永日連清夜因君識躁君竹扉難掩月巖樹易延  
雲曙鳥枕前起寒泉夢裏聞又須隨計吏鷄鷄過

然分

題王氏山居

簷有煙嵐色地多松竹風  
自言離亂後不到鼓鼙聲  
中徑柳拂雲綠山櫻帶雪紅  
南邊青嶂下時見採  
芝翁

題陳正字山居

怪來忘祿位習學近瀟湘  
見處雲山好吟中歲月  
長花光籠晚雨樹影浸寒塘  
幾日憑欄望歸心自  
不忙

秋日訪同人



忽憶金蘭友携琴去自由遠尋寒澗碧深入亂山  
秋見後却無語別來長獨愁幸逢三五夕露坐對  
冥搜

訪友人不遇

出門無至友動即到君家空掩一庭竹去看何寺  
花短僮應捧杖稚女學擎茶吟罷留題處苔階日  
影斜

答友生至

天涯有欲遍此夜故人情鄉國別來久干戈還未  
下燈殘偏有燭雪甚却無聲多少新聞見應須語

到明

友生携修睦上人詩見訪

雪中敲竹戶袖出岳僧詩語盡景皆活吟闌角獨  
吹意如將俗背業必少人知其約冰銷日雲邊訪  
所思

覽文僧卷

雖無先聖耳異代得聞韶怪石難爲古奇花不敢  
妖調高非郢雪思靜礙箕瓢未可重吟過雲山興  
轉饒

早行

家國三千里中宵算去程困纔成蝶夢行不待雞  
鳴馬首摧殘月鴉群起古城發來經幾堆村寺遠  
鐘聲

途中行

瘦馬倦行役斜陽勸着鞭野橋寒樹亞山店暮雲  
連退鷄風雖急攀龍志已堅路人休莫笑百里有  
時賢

江行

瀟湘無事後征棹復嘔啞高岫留斜照歸鴻背落  
霞魚殘沙岸草蝶寄洪流槎共說干戈苦汀洲滅

釣家

酬鄭進士九江新居見寄

躡屐扣柴關，因成盡日間。  
獨聽黃鳥語，深似白雲  
閒。萍沼寬於井，莎城綠當山。  
前期招我作，此景得吟還。

酬蘊微

白衣經亂世，相遇一開顏。  
得句禪思外，論交野步  
閒。舉朝無舊識，入眼祇青山。  
幾度斜陽寺，訪師還獨還。

九江和人贈陳生

天畏斯文墮，慙君助素風。意深皆有補，句逸不因  
功。暮替雲愁遠，秋驚月占空。寄家當瀑布，時得笑  
言同。

望仰山憶玄泰上人

晴嵐凝片碧，知在此中禪。見面定何日，無書已一  
年。高秋關靜夢，良夜入新篇。仰德心如是，清風不  
我傳。

贈來進士鵬

語玄人不到，星漢在靈空。若使無良遇，虛言有至  
公。月明千嶠雪，灘急五更風。此際苦吟力，分將造

化功

贈來鵬

默坐非關悶凝情祇在詩庭間花落後山靜月明  
時答客言多簡尋僧步稍遲既同和氏璧終有玉  
人知

贈任肅

玄髮難姑息青雲有路岐莫言多事日虛擲少年  
時松色雪中出人情難後知聖朝公道在中傷勿  
差池

贈山僧

唐詩克箋 卷七百二十八 八 戊

榮枯雖在目名利不關身高出城墜寺野爲雲鶴  
鄰松聲寒後遠潭色雨餘新豈住空空裏空空亦  
是塵

秋日疾中寄諸同志

閒居無勝事公幹卧來心門靜秋風晚人稀古巷  
深花疎籬菊色葉減井梧陰賴有斯文在時時得  
強尋

寄友生

交情應不變何事久離群圓月思同步寒泉憶共  
聞雪霜松色在風雨鴈行分每見人來說窗前

舊文

寄嵩陽隱者

昔年江上別初入亂離中我往匡山非君之少室  
東信來經險道詩半憶皇風何事猶高卧巖邊夢  
未通

寄楚瓊上人

遙知無事日靜對五峰秋鳥隔寒煙語泉和夕照  
流凭欄疎磬盡瞑目遠雲收幾句出人意風高自  
雪浮

冬夜與修睦上人宿遠公亭寄南岳玄泰禪



師

丈室掩孤燈更深霰電增相看雲夢客共憶祝融  
僧語合茶忘味吟歌卷有稜楚南山水秀行止豈  
無憑

送進士劉松

滔滔皆魯客難得是心知到寺多同步遊山未失  
期雲低春雨後風細暮鐘時忽別垂楊岸遙遙望  
所之

送曹稅

參袂向春風何時約再逢若教相見密肯恨別離

重芳草漁家路殘陽水寺鐘落帆當此處吟興不  
應慵

送趙舒處士歸廬山

歸岫香鑪碧行吟步益遲諸侯師不得樵客偶相  
隨思舊江雲斷談玄岳月移祗應張野輩異代作  
心知

秋日與友生言別

利名心未已離別恨難休爲箇文儒業致多岐路  
愁數花離菊晚片葉井梧秋又決出門計一樽期  
少留

送邊將

天驕頻犯塞鐵騎又征西  
臣節輕鄉土雄心生鼓  
輦地寒花不艷沙遠日難低  
漸喜秋弓健鵬翻白  
草齊

送從兄坤載

忍淚不敢下恐兄情更傷  
別離當亂世骨肉在他  
鄉語盡意不盡路長愁更長  
那堪回首處殘照滿  
衣裳

送錢契明尊師歸廬山

瘦倚青竹杖鑪峰指欲歸  
霜粘行日屨風暖到時

衣凭檻雲還在攀松鶴不飛何曾有別恨楊柳自依依

別所知

有路有西東天涯自恨同却須深酌酒況不比飄蓬  
帆冒新秋雨鼓傳微浪風聞牽寒氣早何浦值寶鴻

送別

別意說難盡離盃深莫辭長歌終此席一笑又何時  
棹入寒潭急帆當落照遲遠書如不寄無以慰相思

惜別

細雨粧行色  
霏霏入戶來  
須知相識喜  
却是別愁媒  
白刃方盈國  
黃金不上臺  
俱爲鄒魯士  
何處免塵埃

哭所知

朝作青雲士  
暮爲玄夜人  
風燈無定度  
露薤亦遽生  
乘馬驚新塚  
書帷擺舊塵  
秣應從此去  
何處福生民

分題雪花望爐峰

雪霽上庭除  
爐峰勢轉孤  
略無煙作帶  
獨有影沈

湖冷觸歸鴻急明凝落照俱

缺

小雪

散漫陰風裏天涯不可收  
壓松猶未得撲石暫能留  
閣靜縈吟思途長拂旅愁  
崆峒山北面早想玉成丘

聞泉

浙浙夢初驚幽窗枕簟清  
更無人共聽祇有月空明  
急想穿巖曲低應過石平  
欲將琴強寫不是自然聲

邊城聽角

戍樓鳴畫角寒露滴金槍細引雲成陣高催鴈着  
行喚迴邊將夢吹薄曉曙光未遂終軍志何勞思  
故鄉

牡丹

少見南人識識來嗟復驚始知春有色不信爾無  
情恐是天地媚暫隨雲雨生緣何絕尤物更可比  
妍明

僧院薔薇

客引攀茶看離披曬錦紅不緣開淨域爭忍負春

風小片當吟落清香入定空何人來此植應固惱  
休公

紅薇

春雨有五色灑來花旋成欲留池上景別染草中  
英畫出看還欠藟爲插未輕王孫多好事携酒寄  
吟餽

萱草

芳草比君子詩人情有由祗應憐雅態未必解忘  
憂積雨莎庭小微風蘚砌幽莫言開太晚猶勝菊  
花秋



苔

幾年風雨跡疊在石屨顏生處景長靜看來情儘  
閒吟亭侵壞壁藥院掩空關每憶東行徑移筇獨  
自還

落花

拾得移時看重思造化功如何飄麗景不似遇春  
風滿地餘香在繁枝一夜空祇應公子見先憶墜  
樓紅

庭竹

嫩綠與老碧森然庭砌中坐銷三伏景吟起數竿

風葉影重還密稍聲遠或通更期春共看桃映小  
花紅

和修睦上人聽猿

禪客聞猶苦是聲應是啼自然無穩夢何必到巴  
溪疎雨灑不歇迴風吹暫低此宵秋欲半山在二  
林西

早蟬

門柳不連野乍聞爲早蟬遊人無定處入耳更應  
先暫默斜陽雨重吟遠岸煙前年湘竹裏風激遶  
離筵

戊籤八十李咸用之三

唐音統籤卷

七百二十九

五言排律

雪十二韻

六出凝陰氣同雲指上天結時風乍急集處霰長  
先草總翹祥燕陂椿吐白蓮犬狂南陌上竹醉小  
池前樵徑花黏屨漁舟玉帖舷陣經陽谷薄勢想  
朔方偏樓面光搖錫籬頭曉列錢石苔青鹿卧殿  
網素蛾穿嚙馬應思塞蹲烏似爲燕童癡爲獸涅  
僧愛用茶煎念物希周穆含毫愧惠連吟闌餘興  
逸還憶剡溪船

廬山

非嶽不言嶽此山通岳言高人居亂世幾處滿前  
軒秀作神仙宅靈爲風雨根餘陰鋪楚甸一柱表  
吳門靜得八公侶雄臨九子尊對猶青髮眼到必  
冷凝魂勢受重湖讓形難七澤春果巖藏畫電紫  
霧泛朝暎蓮墮寧唯華玉狹堪小崑倒松微發鏹  
飛瀑遠成痕疊見雲容襯稜收雪氣昏裁詩曾困  
謝作賦偶無人流礙星光撒驚衝鴈陣翻峰竒寒  
倚劒泉曲旋如盆草短分鷓雉林明露鄴猿秋飄  
紅葉散春石谷雷奔月好虎溪路煙深栗里源醉

吟長易醒夢去亦銷煩有覺南方重無疑厚地欺  
輕揚聞舊俗端用鎮元元

和殷衙推春霖卽事

東風吹暖雨潤下不能休古道雲橫白移時客共  
愁綠沉莎似藻紅泛葉爲舟忽起江湖興疑隣賦  
澹流此時無勝會何處滯竒遊陣急如酣戰點纒  
成亂漚竹因添灑落松得長颺颺花憐閒庭晚蘭  
深曲徑幽絲牽汀鳥足線掛岳猿頭天地昏同醉  
寰區浩欲浮柳眉低帶泣蒲劍銳初抽石鷲翻空  
重轟羅綴滴稠荷傾蛟淚盡巖拆電鞭收豈直望

堯喜却懷微禹憂樹滋堪採菌磯沒懶垂鈎腥覺  
聞龍氣寒宜擁豹裘名膏那作診思稔必通侯螭  
鷁徒喧競笙歌懶獻酬山川藏秀媚草木逞調柔  
極目非吾意行吟獨下樓

和吳處士題村叟壁

因闕鄉居景歸心寸火燃吾家依碧嶂小檻枕清  
川遠雨籠孤戍斜陽隔斷煙沙虛遺虎跡水沈聚  
蛟涎爛麩芟汀蓼其茶華石泉霜朝巡栗樹風夜  
採魚船戲日魚呈腹翹灘鷺並肩碁諱盤石淨酒  
傍野花妍器以鋤鴛利家惟竹直錢飯香同豆熟

湯暖摘松煎睡島，鳧藏足攀藤。飢凍拳淺茅，鳴鬪  
雉曲枿。嘯寒鳶，秋果梳梨澁。晨羞笋，厥鮮衣蓑留。  
冷閣席草種，閒田椎髻擔。餽餉龐眉識，稔年嚇鷹  
芻。戴笠驅犢篠，充鞭不重官。於社常尊食，作天谷  
深青靄。蔽峰迴白雲，纏每憶關魂。夢長誇表愛，憐  
覽君書壁句，誘我率成篇。

謝友生遺端溪硯瓦

尋常濡翰次，恨不到端溪。得自新知已，如逢舊解  
携。翫餘輕照乘，謝欲等懸黎。靜對勝凡客，閒窺憶  
好題。媧天補剩石，昆劍切來泥。着指痕猶濕，停句

水未低呵雲潤柱礎筆彩飲虹霓鶴眼工諳謬羊  
肝七乍刳連澌光比鏡囚墨膩於髻書信成池黑  
吟須到日西正誇愛盜竊將隱怯攀躄捧受同交  
印矜持過乘珪草顛終近旭癩癖必無嵇用合緣  
鸚鵡珍應負會稽貞姿遠落落寒韻或淒淒風月  
情相半煙花思豈迷宜從方袋挈枉把短行批淺  
小金爲斗泓澄玉作隄遇人依我惜想爾與天齊

闕

行時秣獨齋

七言律詩一

物情



誰分萬類二儀間稟性高卑各自然野鶴不棲蔥  
蒨樹流鸞長喜艷陽天李斯溷鼠心應動莊叟泥  
龜意已堅成是敗非如賦命更教何處認愚賢

秋壑

雲陰慘澹柳陰稀遊子天涯一望時風閃鴈行疎  
又密地迴江勢急還遲榮枯物理終難測貴賤人  
生自不知未達誰能多歎息塵埃爭損得男兒

與劉三禮陳孝廉言志

真宰無私造化均年年分散月中春皆期早躡青  
雲路誰肯長爲白社人宋國高風休歛翼聖朝公

道易酬身大須審固穿楊箭莫遺參差鬢雪新

同友人秋日登庾樓

蘭摧菊暗不勝秋倚着高樓思莫收  
六代風光無問處九條煙水但凝愁  
誰能百歲長閒去祇箇孤帆豈自由  
欲學仲宣知是否臂弓腰劍逐時流

金谷園

石家舊地聊登望寵辱從茲信可驚  
鳥度野花迷錦障蟬吟古樹想歌聲  
雖將玉貌同時歎却羨蒼須比日生  
多積黃金買刑戮千秋成得綠珠名

陳正字山居

一葉閒飛斜照裏江南仲蔚在蓬蒿天衢雲險駕  
胎蹇月柱風和夢想勞逸枕泉聲秋雨細對門山  
色古屏高此中卽是神仙地引手何妨一釣鼈

題陳正字林亭

曉煙輕翠拂簾飛黃葉飄零弄所思正是低摧吾  
道日不堪惆悵異鄉時家林蛇豕方群起宮沼龜  
龍未有期賴有平原憐賤子滿亭山色借吟詩

題陳將軍別墅

明王獵士猶疎在巖谷安居最有才高虎壯言知  
鬼伏葛龍閒卧待時來雲藏山色晴還媚風約溪

聲靜又迴不獨春光堪醉客庭除長見好花開

題陳處士山居

蓮遶閒亭柳遶池蟬吟暮色一枝枝未逢皇澤搜  
遺逸羸得青山避亂離花圃春風邀客醉茆簷秋  
雨對僧碁樵童牧豎勞相問巖穴從來出帝師

題王處士山居

雲木沉沉夏亦寒此中幽隱幾經年無多別業供  
王稅太半生涯在釣船蜀魄叫迴芳草色鷺鷥飛  
破夕陽煙干戈蟬起能高卧只箇逍遙是謫仙

題劉處士居

壓破嵐光半畝餘，竹軒蘭砌共清虛。  
泉經小檻聲長急，月過修篁影旋疎。  
溪鳥時時窺戶牖，山雲往往宿庭除。  
干戈設道因天意，渭水高人自釣魚。

寄題從兒坤載村居

隣並無非樵釣者，莊生物論宛然齊。  
雨中寒樹愁鴟立，江上殘陽瘦馬嘶。  
說與衆傭同版築，呂將羣叟共磻溪。  
覆巢破卵方堪懼，取次梧桐鳳且棲。

宿漁家

促杼聲繁螢影多，江邊秋興獨難過。  
雲遮月桂幾枝恨，煙罩漁舟一曲歌。  
難世斯人雖隱遁，明時公

道復如何陶家壁上精靈物風雨未來終是梭

途中逢友人

大道將窮阮籍哀紅塵深翳步遲迴皇天有意自  
寒暑白日無情空往來霄漢何年徵賦客煙花隨  
處作愁媒相逢且快眼前事莫厭狂歌酒百盃

春日喜逢鄉人劉松

故人不見五春風異地相逢嶽影中舊業久拋耕  
釣侶新聞多說戰爭功生民有恨將誰訴花木無  
情祇自紅莫把少年愁過日一鱗須對夕陽空

冬日喜逢吳價

垂楊煙薄井梧空千里遊人駐斷蓬  
志意不因多事改鬢毛難與別時同  
鶯遷猶待銷冰日鵬起還思動海風  
窮達他年如賦命且陶真性一杯中

春暮途中

細雨如塵散暖空數峯春色在雲中  
須知觸目皆成恨縱道多文爭那窮  
飛燕有情依舊閣垂楊無力受東風  
誰能會得乾坤意九土榮枯自不同

旅館秋夕

牢落生涯在水鄉只思歸去泛滄浪  
秋風螢影隨高柳夜雨葦聲上短牆  
百歲易爲成荏苒丹霄誰

肯借梯航若教各路無知己足馬塵中是自忙

廬陵九日

菊花山在碧江東冷酒清吟興莫窮  
四十三年愁裏過幾多般事亂來空  
雖驚故國音書絕猶喜新  
知語笑同竟日開門無客至  
笛聲迢遞夕陽中

依韻修睦上人山居十首

生身便在亂離間遇柳逢花作麼看  
老去轉諳無是事本來何處有多般  
長憐蠛蠓能隨暖獨笑梧  
桐不耐寒覆載我徒爭會得大鵬飛  
尚未知寬  
雲泉日日長松寺絲管年年細柳營  
靜躁殊迥



自識榮枯一貫亦何爭道傍病樹人從老溪上新  
苔我獨行若見淨名居士語逍遙全不讓莊生  
莫言天道終難定須信人心盡自輕宣室三千雖  
有恨成周八百豈無情栢緣執性長時瘦梅爲多  
知兩番生不是不同明主意嬾將唇舌與齊烹  
不論軒冕及漁樵性與情遠漸漸遙季子禍從憐  
富貴顏生道在樂簞瓢清聞自可齊三壽忿恨還  
須戒一朝好學堯民隈舜日短裁孤竹理雲韶

春風春雨一何頻望極空江覺損神鶯有來由重  
入谷柳無情緒強依人漢庭謁者休言事魯國諸

生莫問津賴是水鄉樛櫟賤滿爐紅焰且相親  
三十年來要自觀履春冰恐未爲難自於南國同  
埋劍誰向東門便掛冠早是人情飛絮薄可堪持  
令太行寒多慙幸住匡山下偷得穠嵐坐臥看  
曉蘭未必因香折湖象多應爲齒焚兼濟直饒同  
巨楫自由何似學孤雲秋深櫟菌樵來得木末山  
巖夢斷開開凭竹軒遊子過替他愁見日西曛  
何事深山嘯復歌短弓長劍不如他且圖青史垂  
名穩從道前賢自滯多斥鴳敢辭棲短棘鳳凰猶  
解怯高羅人生若得逢堯舜便是巢由亦易過

太玄太易小窗明古義尋來醉復醒西伯縱逢頭  
已白步兵如在眼應青寒猿斷後雲橫檻宿鳥驚  
時月滿庭此景得閒閒去得人間無事不曾經  
壯氣雖同德不同項王何似王江東鄉歌寂寂荒  
丘月漁艇年年古渡風難世斯人猶不達此時吾  
道豈能通吟君十首山中作方覺多端總是空

和友人喜相遇十首

爲儒自愧已多年文賦歌詩路不專肯信披沙難  
見寶只憐苦草易成編燕昭寤寐常求駿郭隗尋  
思未是賢且固初心希一試箭穿正

掃情摩意已無功，只把篇章助國風。  
撥玉護誇雲雨會，謝連寧許夢寬通。  
愁成旅鬢千絲亂，吟得寒缸短焰終。  
難世好居郊野地，出門常喜與人同。  
還淳反朴已難期，依德依仁敢暫違。  
寡欲自應剛正立，無私翻覺友朋稀。  
旄頭影莫侵黃道，傳說星終近紫微。  
年紀少他蘧伯玉，幸因多難早知非。  
麻衣未識帝城塵，四十爲儒是病身。  
有恨不關銜國耻，無愁直爲倚家貧。  
齊輕東海二高士，漢重南山四老人。  
一種愛閒閒不得，混時行止却應真。  
任說天長海影沉，友朋情比未爲深。  
唯應樂處無

虛日大半危時得道心命達天殤同白首價高駈  
瓦卽黃金他年有要玄珠者赤水縈紆試一尋  
息子休矜學五車沛公方起斬長蛇六雄互欲吞  
諸國四海終須作一家自古經綸成世務暫時朱  
綠比朝霞人生心口宜相副莫使堯階草勢斜  
不傍江煙訪所思更應無處展愁眉數杯竹閣花  
殘酒一局松窗日午碁多病却疑天與便自愚潛  
喜衆相欺非窮非達非高尚冷笑行藏祗獨知  
閒吟閒坐道相應遠想南華亦自矜拋擲家鄉輕  
似夢尋常心地冷於憎水和羹使用非胥靡憶鱸言

詞小季鷹唯仗十篇金玉韻此中高旨莫階升  
已向丘門老此軀可堪空作小人儒吟中景象千  
般有書外囊裝一物無潤屋必能知早散輝山應  
是不輕沾短衣寧倦重修謁誰識高陽舊酒徒  
松桂寒多衆木分輕浮如葉自紛紜韶咸古曲教  
誰愛山水清音喜獨聞上國共知傳大寶舊交寧  
復在青雲相逢莫厭杯中酒同醉同醒祇有君

和彭進士感懷

人生誰肯便其休遇酒逢花且共遊若向雲衢陪  
驥尾直須天畔落旋頭三編大雅頻闢興一冊南

華旋解憂四海英雄多獨斷不知何者是長籌

和彭進士秋日遊靖居山寺

秋山入望已無塵況得閒遊謝事頻問着盡能言  
祖祖見時應不是真真添航野水遮還急伴塔幽  
花落又新自笑未曾同逸步終非宗炳社中人

和蔣進士秋日

晚雨霏微思杪秋不堪才子尚羈遊塵隨別騎東  
西急波促年華日夜流涼月雲開光自遠古松風  
在韻難休男兒但得功名立縱是深恩亦易醜

和人湘中作

湘川湘岸雨荒涼孤鴈號空動旅腸一棹寒波思  
范蠡滿罇醇酒憶陶唐年華蒲柳凋衰鬢身跡萍  
蓬滯別鄉不及東流趨廣漢臣心日夜與天長

和人遊東林

一從張野卧雲林勝築誰人更解尋黃鳥不能言  
往事白蓮虛發至如今年年上國榮華夢世世高  
流水石心始欲共君重悵望紫霄峯外日沉沉

酬進士秦顓若

鶯默平林燕別軒相逢相笑話生前低飛旅恨看  
霜葉曲寫歸情向暮川在野孤雲終捧日朝宗高



浪本蒙泉何勞悵望風雷便且混魚龍蹟武年

卷終